



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

93 Honestatis publicae impedimentum etiam oritur ex matrimonio rato, &
non consummato.

urn:nbn:de:hbz:466:1-10316

- cler. conjug. gloss. in cap. *questum*, de 90
pœnit. & remiss. & Covar. in 2. par. cap. 7.
 §. 3. num. 1.
- 87 Nondò, † ligamen, quòd est vinculum
 prioris matrimonij, quia qui habet uxorem,
 est ad eò eidem alligatus, ut alteram
 mulierem in matrimonium ducere non
 possit, c. 1. & c. fin. de spons. duo. Quod, &
 verum est, etiam si præcedente fama mor-
 tis mariti, mulier cum alio contraxerit,
 88 quia non sufficit † fama, nec lapsus tem-
 poris septem annorum, donec per certum
 nuncium constet de morte viri, *auth. hodie*,
 C. de repud. *auth. ut lice. matr. & au.* §. quod
autem. col. 3. c. in presentia, in fin. de sponsal.
 & c. Dominus, de sec. nupt. Et secundo ma-
 trimonio contracto sine certitudine mor-
 tis prioris viri, & postmodo constituto de
 vita prioris viri cum secundo, est adulte-
 rium, & mulier cum priori reverti tenetur,
 c. cum per bellicam. 34. qu. 2. & c. Dominus,
 in fin. de sec. nupt.
- 89 Decimò, † publicæ honestatis iustitiæ
 impedimentum, quod oritur inter fratres,
 ne frater cum illa, quæ fratris etiam præ-
 mortui sponsa fuerit, per verba de præsen-
 ti, vel de futuro matrimonium contrahat,
 c. unatantum. §. iohannes. 26. dist. cap. si quis
 desponsaverit, & ibi gloss. 27. quest. 2. cap.
 ad audientiam, de spons. & Covar. epit. in 4.
 lib. decret. 2. par. cap. 6. §. 2. & pluribus ali-
 is casibus de jure communi oriebatur
 impedimentum publicæ honestatis, ut
 per Covar. ubi supra sed hodie, ut spon-
 salia per verba de futuro sunt invalida, pro-
 ut inter impuberes, non impediunt, & ubi
 sunt valida, primum gradum non exce-
 dunt, conc. Trident. in c. 3. de reform. ma-
 trim. sess. 24. & Navar. de sacram. matr. c. 22.
 nu. 57. par. 3.
- 90 Habentur etiam pro invalidis † spon-
 salia contracta cum ea, quæ mente capta
 non potest contrahere matrimonium, quæ
 non inducunt impedimentum publicæ ho-
 nestatis, quominus, qui promisit eam du-
 cere in uxorem, cum sorore germana men-
 te captæ matrimonium contrahere possit,
 dummodo carnalis copula non fuerit secu-
 ta, ut in decis. congreg. sacri conc. super eod.
 c. 3. sub tit. Legionem.
- 91 Matrimonium † verò inter puberes per
 verba de præsentem contractum, carnis co-
 pula non secuta, est verè matrimonium,
 quod non concubitus, sed solus consensus
 facit, cap. 2. & 3. 27. quest. 2. & cap. cum lo-
 cum, de spons. & copula non secuta, tantum
 inducit impedimentum publicæ honesta-
 tis, ut infra discetur.
- 92 Circa enim dictum impedimentum † ius-
 titiæ publicæ honestatis sacra congregat.
 conc. consultis etiam aliis Theologis, &
 canonistis, censuit ex matrimonio contra-
 cto per verba de præsentem, non tamen con-
 summato, non provenisse impedimentum
 affinitatis, sed iustitiæ publicæ honestatis,
 nec comprehendit decreto, dicti cap. 3. quo
 restringitur impedimentum publicæ honestatis
 proveniens ex sponsalibus de futuro
 ad primum gradum, neque tollitur impe-
 dimentum huiusmodi, sponsalibus dissolu-
 tis mutuo consensu eorum, qui contraxe-
 runt, congr. conc. super eod. c. 3.
- 93 Quod autem † matrimonio rato, & non
 consummato oriatur impedimentum pu-
 blicæ honestatis probat text in cap. ult. 35.
 quest. 3. & cap. discretionem, de eo, qui cogn.
 consang. uxor sua. Affinitas enim est pro-
 ximitas personarum, ex coitu proveniens
 omni carens parentela, Host. in sum. de af-
 finit. numer. 1. Covar. super 4. decret. par. 2.
 cap.

cap. 7. §. 7. num. 1. & Navar. in Manual, cap. 22. num. 43.

94 Matrimonium autem ꝑ causat affinitatem ratione copulæ carnalis, quia cum vir, & uxor per copulam carnalem fiant una caro, cap. debitum. de big. & cap. fraternitatis, 25. q. 10. sanguis unius dicitur attingere sanguinem alterius, & ita contrahitur affinitas, Ledesin. in tract. de mag. matr. Sacr. in add. ad 3. p. q. 55. art. 1. sub verb. circa istum articulum. Ideo, cum in matrimonio rato nondum consummato sanguis contrahentium simul non attingatur, nec fiant una caro naturaliter per sanguinis comissionem, licet mutuo consensu reciproce consentiant, ut una caro fieri possint, defectu copulæ non contrahitur affinitas, ut per sacram congregationem fuit supra decisum.

95 Hoc stante, ꝑ licet impedimentum proveniens ex matrimonio rato, minime consummato non comprehendatur sub decreto cap. 3. de reform. matr. sess. 24. Videtur tamen, quod instar impedimenti publicæ honestatis in dicto cap. 3. contenti non extendatur ultra primum gradum, ut tenet Card. Tolet. in instruct. sacerdot. lib. 7. cap. 10. in fin. Sed major hic habenda ratio, nam super hoc vinculo non ea facilitate, qua in impedimento, proveniente ex sponsalibus de futuro, dispensatur, sed gravissimis, & justissimis de causis summo Pontifici benevisis; ut post alios Graff.

96 decis. aur. par. 1. lib. 2. cap. 82. num. 10. ut fuit etiam ꝑ cum Catharina Austriaca, & Henrico Octavo post mortem Arturi, ejusdem Henrici Regis Angliæ fratris, cum quo illa prius matrimonium contraxerat, quod cum eo ob morbum, & inde mortem secutam illud minime consum-

maverit, in dicto impedimento dispensatum, & matrimonium postea contractum, ac consummatum, Ledesin. in eodem tractatu de mag. matr. sac. in addit. ad 3. part. quest. 55. art. 6. §. his non obstantibus, ubi post D. Thom. in 2. 2. quest. 154. artic. 7. ad tertium, & Cajet. ibid. Covar. super 4. decret. part. 2. cap. 6. §. 10. num. 7. Navar. in Manual, cap. 22. num. 84. & alios quos citat, tenet summum Pontificem posse dispensare in primo gradu affinitatis lineæ transversalis, & hæc est communis opinio Theologorum, & jurisperitorum ex deductis ibi per eundem Ledesin.

Quamvis enim impedimentum proveniens ex matrimonio rato nondum consummato non comprehendatur, sub d. c. 3. de reformat. matrim. sess. 24. in jure tamen, ꝑ vocatur impedimentum publicæ honestatis, ut in d. c. ult. 35. q. 3. & c. discretionem de eo qui con. consang. ux. sum. ut etiam fuit à sacra congreg. supra decisum.

Quapropter, licet ex eo nulla contrahatur affinitas, remanet tamen impedimentum in omnibus illis casibus, & gradibus, quibus esse solebat jure veteri, ante prædictum decretum concilii introductum, ut verbis expressis declaravit Pius V. in declaratione super eod. c. 3. facta. de qua in Bull. Rom. c. 62. §. nos itaque circa finem. pag. 1018. de quibus in c. duo pueri. de spons. impub. c. discretionem. de eo qui cog. con. uxor. sua. cap. unico. de spons. impub. in 6. & Sylve. in verb. matrim. 8. num. 14.

98 Maxima enim est differentia ꝑ inter matrimonium ratum, & consummatum, & matrimonium ratum tantum, quia matrimonium ratum, & consummatum inter fideles à solo Deo dissolvi potest, & matrimonium ratum tantum dissolvi potest au-